



Broj/Број: 01/7-50-1-53-2-17/04
Sarajevo/Сарајево: 17.06.2004.

ZAPISNIK

sa 17-e sjednice Administrativne komisije Zastupničkog doma Parlamentarne skupštine Bosne i Hercegovine, održane u prostorijama institucija Bosne i Hercegovine dana 17.06.2004 godine sa početkom u 13,40 sati. Sjednica je završena u 14,55 sati.

SJEDNICI SU BILI NAZOČNI ČLANOVI KOMISIJE: Jusufović Munib, Zorić Vinko, Ušanović Mubera, Križanović Jozo, Novaković Momčilo;

OPRAVDANO NENAZOČNI ČLANOVI: Blagojević Mirko, Ivo Miro Jović, Felić Hazim, Kragulj Nikola;

OSTALI NAZOČNI: Vedran Hadžović, Tajnik Zajedničke službe Tajništva Parlamentarne skupštine Bosne i Hercegovine; Jadranka Korać Šef Računovodstva Tajništva Parlamentarne skupštine Bosne i Hercegovine;

Sedamnaestom sjednicom, Administrativne komisije Zastupničkog doma Parlamentarne skupštine Bosne i Hercegovine, **predsjedavao je Munib Jusufović predsjedatelj** Administrativne komisije Zastupničkog doma Parlamentarne skupštine Bosne i Hercegovine.

Za sjednicu je predlažen slijedeći:

DNEVNI RED:

1. Usvajanje Zapisnika sa 16-e sjednice Administrativne komisije;
2. Razmatranje Izvještaja o izvršenju budžeta za period siječanj-svibanj 2004 godine, po zaključku sa 16-e sjednice Administrativne komisije ;
3. Razmatranje Zaključka Kolegija Zastupničkog doma Parlamentarne skupštine Bosne i Hercegovine broj:01-02-5-46/04 od 11.06.2004 godine;
4. Razmatranje Zahtjeva zastupnika Izeta Hadžića za obeštećenjem sredstava;
5. Razmatranje Molbe za odobrenje nadoknade za korištenje mobilnog telefona Višeg stručnog saradnika, u Odjelu za međunarodne organizacije i protokol, Sene Barjaktarević;
6. Razmatranje Molbe za refundacijom troškova mobilnog telefona, Šefa Odjela za odnose s javnošću, Zlatka Vukmirovića;
7. Razmatranje Molbe za nadoknadu dodatnih troškova iznad limita za korištenje mobilnog telefona Samira Ćorovića i Merdžane Iglica;

Predsjedatelj je otvorio 17-u sjednicu Administrativne komisije i upoznao prisutne sa predloženim dnevnim redom, te ih pozvao ukoliko imaju primjedbe ili prijedloge za izmjene i dopune istog, da ih daju na razmatranje. Pošto nije bilo prijedloga izmjena i dopuna dnevnog reda, predsjedatelj Munib Jusufović je dao na glasovanje predloženi dnevni red. **Predloženi dnevni red usvojen je jednoglasno.** Pošto je usvojen dnevni red, pristupilo se razmatranju istog, po pojedinim točkama.

AD-1 U okviru ove točke dnevnog reda, a u vezi sa Zaključkom pod AD-3 sa 16-e sjednice Administrativne komisije održane 08.06.2004 godine, **uvedena je nova točka** u već usvojenom dnevnom redu **AD-2 Raspodjela prostorija za rad Klubova zastupnika.** Već usvojene točke dnevnog reda, su se na taj način pomaknule za jedno mjesto, pa je točka AD-2 usvojenog dnevnog reda postala točka AD-3, točka AD-3 postala točka AD-4, točka AD-4 postala točka AD-5, točka AD-5 postala točka AD-6, točka AD-6 postala točka AD-7 i točka AD-7 postala točka AD-8.

Zapisnik sa 16-e sjednice Administrativne komisije usvojen je jednoglasno bez primjedbi.

AD-2 Raspravu po ovoj točki dnevnog reda, otvorio je Novaković Momčilo na osnovu Zapisnika sa 16-e sjednice Administrativne komisije, održane 08.06.2004 godine i Zaključka pod tačkom AD-3. Učešće u raspravi po ovom pitanju su uzeli Jusufović Munib, Hadžović Vedran Tajnik Zajedničke službe Tajništva Parlamentarne skupštine Bosne i Hercegovine, Zorić Vinko. Nakon provedene rasprave po ovoj točki dnevnog reda Administrativna komisija je, kao prihvatljivo rješenje za raspored prostora za rad Klubova zastupnika, jednoglasno utvrdila

KRITERIJ

po kojem se raspored trenutačnog prostora, koji koriste predsjedatelji nekih komisija Zastupničkog doma Parlamentarne skupštine Bosne i Hercegovine, ima izvršiti prema broju poslaničkih mandata, na način da se prostor dodjeljuje Klubovima zastupnika za njihov rad, a da isti mogu koristiti predsjedatelji komisija kao i do sada.

Na osnovu usvojenog kriterija za preraspodjelu prostora za rad Klubova zastupnika, Administrativna komisija je jednoglasno donijela:

ZAKLJUČAK

Zadužuje se Tajnik, Zajedničke službe Tajništva Parlamentarne skupštine Bosne i Hercegovine, da u skladu sa ovim Zaključkom, izvrši preraspored prostorija, koje koriste predsjedatelji komisija Zastupničkog doma Parlamentarne skupštine Bosne i Hercegovine, na način, da se iste ustupe za rad Klubova zastupnika, po utvrđenom redoslijedu:

1. Klub SDA- prostor koji već koristi;
2. Klub S BiH- prostor koji već koristi;
3. Klub SDS-prostor u kojem sjedi Miloš Jovanović, s tim da će imenovani koristiti taj prostor za svoj rad, dok se nesteknu uvjeti za dodjelu prostorija predsjedateljima komisija;

4. Klub HDZ-Demokršćani-nema prostora za rad, pa mu se isti treba obezbjediti u skladu sa ovim Zaključkom;
5. Klub SDP- prostor koji već koristi;
6. Klub SNSD- prostor koji već koristi.

Obzirom da je utvrđeno, da trenutačno na raspolaganju ima šest prostorija koje koriste predsjedatelji komisija Zastupničkog doma Parlamentarne skupštine Bosne i Hercegovine, Administrativna komisija je sukladno utvrđenom kriterijumu za dodjelu prostora za rad Klubova zastupnika, šestu prostoriju dodijelila Klubu HDZ-Demokršćani.

Za realizaciju ovog Zaključka zadužuje se Tajnik Zajedničke službe Tajništva Parlamentarne skupštine Bosne i Hercegovine.

Obzirom da je u okviru ove točke dnevnog reda bio razmatran nedostatak radnog prostora potrebnog kako za rad Klubova zastupnika, tako i predsjedatelja komisija Zastupničkog doma Parlamentarne skupštine Bosne i Hercegovine, na prijedlog Tajnika Zajedničke službe Tajništva Parlamentarne skupštine Bosne i Hercegovine, Administrativna komisija je jednoglasno usvojila:

ZAKLJUČAK

Administrativna komisija, Zastupničkog doma Parlamentarne skupštine Bosne i Hercegovine, nije u mogućnosti stvoriti povoljne uvjete za rad klubova zastupnika sukladno članku 17 Poslovnika Zastupničkog doma Parlamentarne skupštine Bosne i Hercegovine ("Sl.glasnik BiH" br.: 20/00), s obzirom na činjenicu da Parlamentarna skupština Bosne i Hercegovine ne raspolaže sa slobodnim radnim prostorom.

Imajući u vidu naprijed navedene okolnosti, te činjenicu da se Klubovi zastupnika obraćaju s zahtjevima za dodjelu prostora za rad Klubova, kojim Administrativna komisija nije u mogućnosti udovoljiti, Administrativna komisija je odlučila da zatraži od Vijeća ministara Bosne i Hercegovine, informaciju o planiranom početku radova na neboderu na Trgu Bosne i Hercegovine 1, kako bi prema istoj mogla uskladiti svoje aktivnosti utvrđene člankom 17 Poslovnika Zastupničkog doma Parlamentarne skupštine Bosne i Hercegovine ("Sl.glasnik BiH" br.: 20/00).

AD-3 Uvodno izlaganje po ovoj točki dnevnog reda dao je Vedran Hadžović, Tajnika Zajedničke službe Tajništva Parlamentarne skupštine Bosne i Hercegovine. U okviru svojeg izlaganja ukazao je na neophodnost utvrđivanja kriterija za putovanja u inozemstvo kao i kriterija po kojim će se utvrđivati kad će se putovati u inozemstvo, obzirom da je došlo do prekoračenja odobrenih sredstava za ove namjene. Vedran Hadžović je ujedno objasnio da je do prekoračenja sredstava za osobne dohodke došlo iz razloga što još pet komisija nema svoje Tajnike, a tri komisije nisu predviđene Pravilnikom o sistematizaciji poslova i radnih zadataka obzirom da su naknadno formirane, pa se sredstva za njihov rad nisu mogla predvidjeti u planiranju budžeta za ovu godinu. Po završenom izlaganju imenovanog, predsjedatelj Jusufović Munib, je podsjetio na ingerencije Administrativne komisije, **te istakao da je rukovodni kadar Tajništva Parlamentarne skupštine Bosne i Hercegovine sa Kolegijem Zastupničkog doma Parlamentarne skupštine Bosne i Hercegovine po ovom pitanju prekoračio svoja ovlaštenja i ušao u isključivu nadležnost Administrativne komisije.**

Nakon ovih izlaganja, u diskusiji su uzeli učešća: Vinko Zorić, Momčilo Novaković, Jozo Križanović, Munib Jusufović, Mubera Ušanović, Hadžović Vedran, Jadranka Korać, Šef

Računovodstva Tajništva Parlamentarne skupštine Bosne i Hercegovine. Po završenoj diskusiji, Administrativna komisija je jedoglasno usvojila

ZAKLJUČAK

I-Obzirom na prekoračenje odobrenih sredstava na poziciji plaće zaposlenih za period siječanj-svibanj, **zadužuje se služba Računovodstva, Tajništva Parlamentarne skupštine Bosne i Hercegovine, da za narednu sjednicu Administrativne komisije, Zastupničkog doma Parlamentarne skupštine Bosne i Hercegovine, sačini detaljan Izvještaj o primanjima svih Tajnika Parlamentarne skupštine Bosne i Hercegovine za period siječanj-svibanj 2004 godine.**

II-Obzirom na prekoračenje odobrenih sredstava na poziciji putnih troškova za period siječanj-svibanj 2004 godine, **zadužuje se služba Računovodstva, Tajništva Parlamentarne skupštine Bosne i Hercegovine, da za narednu sjednicu Administrativne komisije, Zastupničkog doma Parlamentarne skupštine Bosne i Hercegovine, sačini detaljan Izvještaj o putnim troškovima za Zastupnički dom i Dom naroda Parlamentarne skupštine Bosne i Hercegovine po imenima i prezimenima za period siječanj-svibanj 2004 godin .**

III-Služba Računovodstva, Tajništva Parlamentarne skupštine Bosne i Hercegovine, je dužna pripremiti za narednu sjednicu Administrativne komisije, Zastupničkog doma Parlamentarne skupštine Bosne i Hercegovine, **detaljan izvještaj na poziciji troškova-reprezentacija za period siječanj-svibanj 2004 godine.**

IV- Administrativna komisija, Zastupničkog doma Parlamentarne skupštine Bosne i Hercegovine, **skreće dužnu pažnju Kolegiju Zastupničkog doma Parlamentarne skupštine Bosne i Hercegovine na prekoračenje odobrenih sredstava na pozicijama plaće zaposlenih, putni troškovi i reprezentacija.**

Nakon sveobuhvatne rasprave po ovoj točki dnevnog reda, Administrativna komisija je, obzirom na važnost iste, jednoglasno donijela

ZAKLJUČAK

I-Obzirom na prekoračenje odobrenih sredstava na pozicijama plaće zaposlenih, putni troškovi i reprezentacija, Administrativna komisija smatra, **da ovo pitanje treba držati mjesečno aktuelnim na dnevnom redu** sjednica Administrativne komisije.

II-Obzirom da je za Administrativnu komisiju neprihvatljivo, da Parlamentarna skupština Bosne i Hercegovine ima nekorektno finansijsko poslovanje, Administrativna komisija smatra da ovo pitanje treba raspraviti na zajedničkoj sjednici Komisije za finansijsko-administrativne poslove Doma naroda i Administrativne komisije, Zastupničkog doma Parlamentarne skupštine Bosne i Hercegovine, koja će se u tu svrhu posebno zakazati.

III-Sjednici Administrativne komisije, na kojoj će se razmatrati izvještaji vezani za **prekoračenje odobrenih sredstava na pozicijama plaće zaposlenih, putni troškovi i reprezentacija**, obavezno treba da prisustvuju članovi Kolegija Zastupničkog doma Parlamentarne skupštine Bosne i Hercegovine.

AD-4 Administrativna komisija, Zastupničkog doma Parlamentarne skupštine Bosne i Hercegovine, **primila je k znanju informaciju po ovoj točki dnevnog reda.**

AD-5 Uvodno izlaganje po ovoj točki dnevnog reda dao je Tajnik Administrativne komisije Davorka Čaplinski. U raspravi su učestvovali: Vinko Zorić, Jadranka Korać, Munib Jusufović, Momčilo Novaković, Jozo Križanović. Nakon provedene rasprave po ovoj točki dnevnog reda, Administrativna komisija je jednoglasno usvojila

ZAKLJUČAK

Zadužuje se Tajnik Tajništva Parlamentarne skupštine Bosne i Hercegovine da sa nadležnom službom Tajništva i putem posrednika Konzulata u Bonu u pravnoj stvari zastupnika Izeta Hadžića obezbjedi račun od hotela u kojem je boravio imenovani zastupnik, a u kojem se desio štetni događaj.

Hotelski račun je potrebno pribaviti u što je moguće kraćem roku, a najkasnije od mjesec dana od dana prijema ovog zaključka.

Odgada se rok za pravdanje troškova službenog puta u skladu sa stavom dva ovog zaključka.

Obzirom na činjenicu, da je Konzulat u Bonu propustio kao posrednik uzeti u obzir važnost dokumentacije, kao što je hotelski račun, kako sa aspekta štetnog događaja tako i pravdanja putnih troškova u zemlji u skladu sa važećim aktima Parlamentarne skupštine Bosne i Hercegovine, Administrativna komisija je opreza radi, jednoglasno donijela

ZAKLJUČAK

Zadužuje se Tajnik Tajništva Parlamentarne skupštine Bosne i Hercegovine da se sa nadležnom službom Tajništva uključi u rad posrednika Konzulata u Bonu u pravnoj stvari zastupnika Izeta Hadžića.

AD-6 U okviru ove točke dnevnog reda s obzirom na istovjetnost pravnih temelja u točkama Ad-7 i Ad-8 Administrativna komisija je zauzela stanovište, da se ove točke dnevnog reda spoje i istovremeno razmatraju. Nakon što je izvršeno spajanje ovih točki dnevnog reda, učešće u diskusiji su uzeli: Novaković Momčilo, Jusufović Munib, Jozo Križanović, Hadžović Vedran. Nakon provedene diskusije, Administrativna komisija je jednoglasno donijela

ZAKLJUČAK

Na današnjoj sjednici Administrativne komisije, po točki AD-6, Ad-7 i AD-8 dnevnog reda Administrativna komisija neće donositi odluku dok se ne preispita Odluka o nadoknadi troškova za korištenje mobitela u službene svrhe.

Pošto je iscrpljen dnevni red, sjednica Administrativne komisije je završena u 14,55 sati.

Sastavni dio ovog Zapisnika čini transkript sa 17-e sjednice Administrativne komisije Zastupničkog doma Parlamentarne skupštine Bosne i Hercegovine

Tajnik
Administrativne komisije
Davorka Čaplinski

Predsjedatelj
Administrativne komisije
Munib Jusufović